

Na osnovu člana 5. Zakona o upravljanju privrednim društvima u nadležnosti Kantona Sarajevo ("Službene novine Kantona Sarajevo", broj 8/01) i člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03), Ministarstvo privrede donosi

RJEŠENJE

O IMENOVANJU VRŠIOCA DUŽNOSTI ČLANOVA UPRAVNOG ODBORA PRIVREDNOG DRUŠTVA TP "MARKETI" D.D. SARAJEVO

1. Imenuju se članovi Upravnog odbora TP "MARKETI", d.d. Sarajevo, kao vršioци dužnosti, na period od najviše dva mjeseca:
 - KEMO MANGAFIĆ, predsjednik
 - mr. DULJKO HASIĆ, član
 - JASMIN TEROVIĆ, član
 - MEVLIDA ĆATOVIĆ, član
 - ZEKIJA ĆUROVAC, član
2. Ovo rješenje stupa na snagu danom donošenja, objavit će se u "Službenim novinama Kantona Sarajevo".

Broj 07-05-20-18954
28. jula 2004. godine
Sarajevo

Ministar
mr. Abid Šarić, s. r.

Na osnovu člana 5. Zakona o upravljanju privrednim društvima u nadležnosti Kantona Sarajevo ("Službene novine Kantona Sarajevo", broj 8/01) i člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03), Ministarstvo privrede donosi

RJEŠENJE

O IMENOVANJU VRŠIOCA DUŽNOSTI ČLANOVA UPRAVNOG ODBORA TP "ROBNE KUĆE", D.D. SARAJEVO

1. Imenuju se članovi Upravnog odbora TP "Robne kuće", d.d. Sarajevo, kao vršioци dužnosti, na period od najviše dva (2) mjeseca:
 - KEMAL GRČIĆ, predsjednik
 - MIRSADA ČEHO, član.
2. Ovo rješenje stupa na snagu danom donošenja, objavit će se u "Službenim novinama Kantona Sarajevo".

Broj 07-05-20-18898/2
27. jula 2004. godine
Sarajevo

Ministar
mr. Abid Šarić, s. r.

GRAD SARAJEVO

Gradsko vijeće

Na osnovu člana 28. stav 1. i člana 35. stav 2. Zakona o prostornom uređenju Kantona Sarajevo ("Službene novine Kantona Sarajevo", broj 10/04), te člana 15. stav 1. tačka 1. i člana 24. stav 1. tačka 2. Statuta Grada Sarajeva ("Službene novine Kantona Sarajevo", br. 12/98 i 14/98), Gradsko vijeće Grada Sarajeva je na sjednici održanoj dana 27. jula 2004. godine, donijelo

ODLUKU

O PRISTUPANJU IZRADI IZMJENA I DOPUNA REGULACIONOG PLANA "SOUKBUNAR"

Vrsta plana

Član 1.

Pristupa se izradi Izmjena i dopuna Regulacionog plana "Soukbunar" ("Službene novine Kantona Sarajevo", broj 13/02)- u daljem tekstu: Plan.

Granice područja za koje se Plan radi

Član 2.

Granica obuhvata Plana počinje od mjesta gdje granica između općina Centar i Stari Grad presijeca Gradsku obilaznicu odnosno ulicu Put Mladih Muslimana k.č. 2779/2 te ide na jugozapad, jugoistok, jugozapad, sjeverozapad, jugozapad i jug granicom između općina Centar sa desne i Stari Grad sa lijeve strane i dolazi do mjesta gdje granica između naprijed navedenih općina presijeca odnosno izlazi na Trebevičku ulicu, produžava na sjeverozapad, idući uz Trebevičku ulicu k.č. 3799 (obuhvata je) i dolazi do tačke broj 1 koja se nalazi na međi između parcela k.č. 3799 (Trebevička ulica) i 2542 udaljenoj od jugozapadnog ishodišta lista R = 1:1000 broj 188 po y = 265 m, a po x = 1 m, nastavlja na sjeverozapad idući u pravoj liniji i dolazi do tačke broj 2 koja se nalazi na međi između parcela k.č. 2541 i 2542

udaljenoj od jugozapadnog ishodišta lista R = 1:1000 broj 188 po y = 217 m, a po x = 7,5 m, produžava na zapad idući međama parcela k.č. 2541, 2539, 2537/1, 2536, 2535, 2534, 2533, 2532 i 2531 (obuhvata ih) i dolazi na jugozapadni rub parcele 2531, produžava na zapad u pravoj liniji i dolazi do tromede parcela k.č. 2523, 2524 i 2530, ide na jugozapad međama parcela k.č. 2523, 2525 i 2530/2 (obuhvata ih) i dolazi na najjužniji rub parcele k.č. 2530/3, nastavlja na zapad idući u pravoj liniji i dolazi do mjesta gdje na Trebevičku ulicu k.č. 2799 izlazi pristupni put k.č. 3812, ide na jugozapad putem k.č. 3812 (obuhvata ga) i dolazi do tromede parcela k.č. 3751, 3812 i 3747, nastavlja na sjeverozapad idući jugozapadnom međom parcele k.č. 3751 (obuhvata je), produžava u blagom luku na sjeverozapad i dolazi do tačke broj 2 koja se nalazi na međi između parcela k.č. 3799 i 3759/1 udaljenoj od jugoistočnog ishodišta lista R = 1:1000 broj 187 po y = 245 m, a po x = 4 m, produžava na sjeverozapad idući Trebevičkom ulicom k.č. 3799 (obuhvata je) i izlazi na granicu između općina Novo Sarajevo i Centar, produžava na sjeverozapad idući granicom između općina Novo Sarajevo sa lijeve i Centar sa desne strane i dolazi do Gradske obilaznice odnosno ulice Put Mladih Muslimana k.č. 2779/2 nastavlja na istok idući južnom stranom Gradske obilaznice koju ne obuhvata odnosno ulicom Put Mladih Muslimana, te dolazi do mjesta gdje istu presijeca granica između općina Centar i Stari Grad odnosno mjesta odakle je opis granice i počeo.

Sve naprijed navedene parcele nalaze se u K.O. Sarajevo VIII.

Ukupna površina obuhvata iznosi 58 ha.

Vremenski period za koji se Plan donosi

Član 3.

Plan se donosi za period od 10 godina (2004. - 2014. godine).

Smjernice za izradu Plana

Član 4.

Usmjerenje za izradu Plana:

- u svrhu izrade Plana obezbijediti ažurnu geodetsku podlogu u razmjeri 1:1000, geokodiranu u digitalnom obliku,
- na osnovu programa istražnih radova izvršiti detaljnija istraživanja inženjerskogeoloških, geomehaničkih i hidrogeoloških osobina terena,
- na bazi izvršenih istražnih radova ocijeniti pogodnost terena za građenje, sanaciju i legalizaciju objekata kao i izgradnju saobraćajne i komunalne infrastrukture,
- preispitati koncepciju prostorne organizacije datu kroz postojeći Plan u skladu sa detaljnim ispitivanjima stabilnosti padine,
- dati uslove sanacije klizišta, postojećih objekata i infrastrukture kao i troškove tih radova,
- preispitati sistem građenja na ovoj padini uzimajući u obzir troškove saniranja terena -klizišta,
- planirati minimalne intervencije u smislu lociranja novih objekata, prvenstveno usmjereno ka izgradnji objekata društvene infrastrukture,
- uvesti zabranu građenja i legalizacije bespravno izgrađenih objekata do donošenja Plana.

Rokovi za izradu Plana

Član 5.

- Provođenje javnog nadmetanja i obezbjeđenje podloga, kontrola podloga te istražni radovi izrada elaborata o inženjerskogeološkim, geomehaničkim i hidrogeološkim osobinama terena sa uvjetima sanacije je 8 mjeseci od donošenja Odluke o pristupanju izradi Plana i obezbjeđenja sredstava,
- Izrada Koncepta Plana 4 mjeseca poslije dobijenih podloga i uslova građenja,
- Prednacrt Plana, naredna 1,5 mjeseca po verifikaciji Koncepta,
- Prijedlog plana 3 mjeseca po obavljenoj javnoj raspravi i dobijenom zapisniku od strane Nosioca prireme Plana.

Način osiguranja sredstava za izradu Plana

Član 6.

Sredstva za pripremu i izradu Plana u iznosu od 52.400,00 KM obezbijedit će Općina Centar Sarajevo iz sredstava koja se ostvare iz naknade za dodijeljeno gradsko građevinsko zemljište na korištenje, naknade za uređenje gradskog građevinskog zemljišta i naknade za korištenje gradskog građevinskog zemljišta.

Sredstva za detaljna istraživanja inženjerskogeoloških, geomehaničkih i hidrogeoloških osobina terena, te izradu elaborata iz te oblasti sa uslovima sanacije klizišta, objekata i infrastrukture, sa predračunom tih radova, obezbijedit će Ministarstvo prostornog uređenja i zaštite okoliša Kantona Sarajevo.

Nosilac pripreme Plana i nosilac izrade Plana

Član 7.

Nosilac pripreme za izradu Plana je gradonačelnik Grada Sarajeva.

Nosilac izrade Plana je Zavod za planiranje razvoja Kantona Sarajevo.

Javna rasprava i donošenje plana

Član 8.

Izradi Plana prethodi izrada analitičko-dokumentacione osnove.

Nosilac pripreme za izradu Plana će verifikovati dokumente iz prethodnog stava.

Član 9.

Nosilac izrade Plana će izraditi Koncept Plana na osnovu utvrđenih Smjernica i ponuditi ga Nosiocu pripreme za izradu Plana.

Ukoliko Nosilac pripreme za izradu Plana prihvati Koncept Plana, Nosilac izrade Plana će izraditi Prednacrt plana i dostaviti ga Nosiocu pripreme za izradu Plana radi utvrđivanja Nacrta plana.

Nosilac pripreme za izradu Plana će utvrditi Nacrt plana i podnijeti ga Gradskom vijeću na razmatranje i stavljanje na javni uvid i raspravu u trajanju od 30 dana.

Član 10.

Na osnovu rezultata javne rasprave i stava o Nacrtu plana Nosilac pripreme za izradu Plana utvrditi će Prijedlog plana i podnijeti ga Gradskom vijeću na donošenje.

Ostale odredbe

Član 11.

Subjekti planiranja su: Kanton Sarajevo, Grad Sarajevo, Općina Centar Sarajevo, Zavod za izgradnju Kantona Sarajevo, Kantonalni zavod za zaštitu kulturno-historijskog i prirodnog naslijeđa, komunalna i javna komunalna preduzeća, vlasnici i korisnici zemljišta, potencijalni investitori i drugi zainteresovani subjekti koji iskažu svoj interes.

Član 12.

Utvrđuje se režim zabrane građenja i legalizacije bespravno izgrađenih objekata do donošenja Plana, a najduže 2 godine.

Član 13.

Sastavni dio ove Odluke je grafički prilog R 1:1000.

Član 14.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-966/04
27. jula 2004. godine
Sarajevo

Predsjedavajuća
Gradskog vijeća
prof. dr. **Mira Jadrić**
Winterhalter, s. r.

